

石
遺
室
詩
集

石遺室詩集卷第三

侯官陳衍

戊戌

張廣雅督部電招來鄂呈二首

廿年憂國老尙書汲汲求才渴不如拒魏聯吳勞決策辟
荀薦孔費微車罪言猥許空餘子長句曾邀歎起予願識
荊州天下士翻傳急遞到樵漁

昔歲沅湘單舸還蒼茫風雪下江關路從郢樹荆門轉夢
落郎官大別閒一臥忽驚天醉甚萬牛欲挽陸沈艱上游
形勝看如昨要拱中原控百蠻

再至兩湖書院視節盒

初來池上梅未花隔句重過柳已芽風物豔治百無恙坐
覺悽哽難要遮茗華青青我如此萋楚沃沃子無家秣陵
分手已銜涕三年武昌重折麻羣公會不改此度吾生死
所歸胡沙酒闌破涕索詩讀煩冤哀感相紛拏嗟余尙欲
游京國他年回首眞夢華

三至西湖同道安

約子來遊近十年轉因容易屢遷延林泉坐落他人手泥
爪尙留臨去緣胎宕風光春夏際淡濃景物雨晴天殘荷
衰柳吾重到不及裙腰草色妍

我愛孤山草樹青君言最好冷泉亭凭欄一坐堪終日抱
寺嵐巖如列屏靈鷲石頭行緩緩韜光寒翠挹泠泠歸舟

回首高峰裏萬竹千松一一經

十二夜江行黃州望月寄伯初家兄

淮海相望老弟兄今年會合分無成豈知東屋西頭住暫
慰南來北去情過後寸陰皆可惜當時別話覺全傾滿江
風月真堪賞不遣同舟語到明

沈乙盦招遊月湖夜話達曙

赭山不能雲追暑苦無計夜謀月湖宿晨鼓渡江柵有路
入萬荷有臺轟水際稍覺窗櫺閒新翠欲染袂晚來隔江
雨欲至旋開霽終分雨餘氣煙水澹搖曳風螢升復沈雲
月出還閉露坐遂到明俯仰是何世君家鴛湖上無業供
王稅一官典屬國廿載京華滯未辦買山錢尙阻墓門誓

時君丁內艱我家東海頭六月足啖荔處處聽松風謾謾李司
隸飄轉墮江湖春申又夏洩萬方正多難行作蟲沙繼問
君欲何之吾亦從子逝

憶高昌廟舊居花木

林際春申有草堂杜陵人去灑西荒曾經剪取吳淞水洗
藥澆花入小塘

水竹三分屋二分頗如野鶴所云云最宜月到風來候一
架銀花滿院聞

花木成蹊漸漸多去年日夕眄庭柯梧桐拱把蕉分綠拉
雜樵蘇奈汝何

老梅舊臘開如許叢菊秋來付阿誰最有村童偷眼慣小

桃欵側出疏籬

哀晚翠

談空說有便瞿騰爲證蓮華有一燈多事千言并萬語臨
厓撒手欠垂簾

冬夜感懷季新亡弟

念子歸泉下於今十二年親朋多已矣飄轉尙依然孤女
初言別遺文未浪傳永懷無可語寒月睇蒼天

己亥

視蘇龕

辛苦撐來四品官兩番乞外益時艱嗟余楚漢方流落喜
汝江船屢往還除夕輕過名士賤宦途未入歲朝閒十年

心事依然否知我無如翼際山

十年前過此登大別

殘臘偕子培過江宿蘇龕鐵路局樓上約暇時相督爲律詩新正臥病連日讀荆公詩仿其體寄蘇

龕

與君隔水上高層斜角相望認電燈寂寞江山春尙睡酸
寒城郭客如僧鳴騶枉過歸常急喚渡頻來病未能
新詩吟得就抽空忙裏寄溪籬

新春病起視蘇龕

奈汝東風作惡何蒙頭睡過忒蹉跎滿愁詩可傾城少更
聽春如傳舍過拂面落梅紛似雪留神芳草綠於波中年
英氣誰消得日九迴腸豈算多

友人約看梅洪山病未果作

擬同攬轡逐芳辰聞有梅花繞水濱剗地東風欺客子連
江寒雨醒愁人吟成詩句如剗印病起庭除豈斬新似此
光陰編貨殖老來辦作市塵民

時廣雅督部令
纂商務雜誌

十六日節齋招遊琴臺

亭似陶然湖莫愁楚波惟有此中柔林巒風物春逾好絕
意同來沈隱侯

彷彿攜家來渡沔壺觴兒女一船還須知物物皆詩料媿
作閉門陳后山

遊琴臺歸再作二律視節齋太夷

九方相馬已無傳山水知音亦偶然果爾酸鹹殊嗜好不

應今昨判媼妍梁鴻下筆思千古鄭谷論詩近廿年就裏
異同離合處可能摸索識翩翩

心計粗來罕作詩七言律細更非宜靡旌摩壘如吾子袴
褶黃驄不自持忽忽沈思常獨往蓬蓬生意漸含滋著花
老樹初無幾試聽從容長醜枝

早起渡江逾漢飯於蘇龕復詢作詩歸途成一首

故未聯云

絕江亂漢狎雙流大別郎官轉一週答拜過時如積負詣
人起早欲何求與奴白飯真東道約子青山試往遊十日
不詩腸又澀端資策勵有朋儔

讀蘇龕登閱兵臺詩書後二首

南公論楚時懷王虜已久果如亡秦言隱痛亦何有
非遭柳下黜尙設穆生醴幕燕去安之枉下枯魚涕

雨後同子培子封對月懷蘇龍兼寄琴南

此雨宜封萬戶侯能將全暑一時收未知太華如何碧想
見洞庭無限秋詞客晚來偏隔水故人天末又登樓土風
莫奏詩休詠守分安心作楚囚

書堂聽雨

黃梅葉硬芭蕉老小雨能爲大雨聲忽憶膠鸞涼夜集竹
窗燈火到天明

調子培並答惠詩

夫子平生博愛懷譽人過實亦佳哉不留長短三千首教

主依然廣大來

淡遠深微有本真
鏤金錯采費精神
西江未必涪翁拜
何況桐城一派人

再答子培

藥裏書籤拉雜攜
草堂猶似蜀都西
未遭田父緣多病
屢簡吳郎益近題
坐黑晚窗思寫遠
吟黃秋葉紙悽迷
因君老屋橫街語
預想京塵憶印泥

次韻答子培

憑余自寫陳居士
步履頻來不荀將
入室屢呼無門者
借書私喜有詩藏
長江見白難爲客
東野於韓豈在旁
隨意恣譚歌坐久
累君煙月受清涼

贈李兩生

鄭君從事閩兩生江湖秋水相嚶鳴國家多難羽儀賤哦
詩聊作孟郊聲蒼茫對子痛往事狂藥舉國甘如飴命爲
文人動不屑力桑急欲逢國卿籠媒剪艾滿臥穉微行眼
睨疑倉庚豈知餘螿觸可死斷腕不猛身全傾李生中州
去行役關河冰雪方崢嶸篋中名集一千卷勞者可以歌
其情林生獨處情不樂寒山拾得今孤行樗蒲運甓等無
用互訟廷尉難爲平功名事業時至耳惟有文字勞經營
湘鄉此語君莫驚

冬述四首視子培

詣談無昏晨積雨斷還往塗泥敗馳道搏躍可過顛昨聞

東山下寒色足泱泱千松聚一壑中有一泉響稍爲羣
山一洗貌麤獷駕言思出遊懷哉幾吾黨梁公勞教授鄭
老疲鞅掌寬閒尙有子合作馬曹賞卻思去年雪招手鶴
樓上薄寒中背呂拳曲不可彊波及居士裝披蓑代鶴
今年詩逐瘧破膽到蝴蝶烏頭時爲帝腰腳藉稍養屢期
闕市行且抱樊口想稍晴具三殮聊用適莽蒼

與子旣南來夏甌遭蒸炊嗟我甯餘錢賃屋糜重貲屋旁
有廢圃微幸南風吹露宿息喘喙稍蘇星漢移風溼作薄
辭爬搔徧膚肌先生屋打頭過從對唵呖臧冰渺北陸浮
瓜非南皮借問清涼散寄書鄭當時答言生地黃搗之以
終葵焦焚至毒時沃之聊數匙皖公有鄉祠百畝環荷池

追涼仍揮汗薄噉荷葉糜蔚然苒庭移居惜微遲石臺
撫雙梧涼露忽已滋子由將北行瘦馬不獨騎追送平山
堂茱萸仍分持瘧寒豈杵日乃以秋爲期淨名久默然文
字禪在茲

往余在京華鄭君過我邸告言子沈子詩亦同光體雜然
見贈答色味若柔醜十年始會面輟樂正讀禮從之索舊
作發篋空如洗能者不自珍翻悔筆輕泚我言詩教微百
喙乃爭啟風雅道殆喪厖言天方瘠內輕感外重怨悱遂
醜詆何人抱微尚不絕似追蠡宋唐皆賢劫勝國空祖禰
當塗逮典午導江僅至澧先生特自牧頗謂語中繁年來
積懷抱發洩出根柢雖肆百態妍石瀨下見底我雖不曉

事老去目未眯諒有古性情汨汨任有瀾

武昌諸陂塘差足荷萬柄冬寒見沮洳斑剝古銅鏡家居
必樹檜不識是何性配以蠟梅花殆取黃中正今冬頗愆
陽木葉著猶勁中庭大芭蕉急雨絲珠迸鬱熟生桃蟲食
僵非細病逝將學農圃殺蟲是亦政吾兄失陽羨買田志
不競人人獲所願造物窘造命所以老邈租船上發高詠
延緣得居停不餒妻子慶昨來糊紙閣字畫白相映軒窗
揩玻璃廡下瑩而淨室廬定吾有辛勤恐未竟

乙盦雪中招飲觀沈石田山水長卷

雪中打門來急遞乙盦主人借行厨來朝畫社設寒具出
觀石田山水圖題詩自言寫蜀道署首乃謂圖吳趨峰巒

迴抱未險峻居民水次隨樵漁依稀舊題光福卷羣山西
奔駐太湖如余識寶非賈胡曾陪閱市行徐徐貨郎顧問
沾不沾我志在租蔬魚豬其次乃乘下澤車又次乃藏萬
卷書字畫匪我謂熊魚無已舍字取畫乎畫中贗本最紛
拏文度珂雪已懍慌樊圻張崑或模糊頗聞長安居不易
詩窮未免嘲聖俞胡椒書畫雖有辨徐熙卷還常嗟吁何
來赤面怪且妒想見其歲逢大醜

紅梅和蘇龕四首

莫怪東君嬾主張此花骨相總清狂何曾不入今人眼到
底終非時世粧積李崇桃紛長養青枝綠葉費端相江城
玉笛橫吹處嶺上白雲空斷腸

老去空山偃蹇身何心絢爛鬪精神錯緣驛路南來使誤
認臙脂北地春照影西湖驚腕晚攀枝東閣意逡巡歲闌
祇有題襟語差覺紅爐雪點新

生平未作綺懷詩林下風期寫較宜但覺文君蓉作臉本
來姑射雪爲肌此身豈合蘆簾住人日依然鏡檻姿成碧
看朱渾不是難將遲暮減相思

塗抹何如楊用修又疑康節戴花頭餘霞散綺成篇富大
雪彌天被酒休棄我朱顏如日及看他白眼亦風流此情
端屬陳居士顏色甯須刻意求

爲林琴南題巴黎茶花女遺事後

曾論懿德回心院西土重生加他鄰事到無聊說因果夫

人汧國定前身

庚子

二月移居水陸街二首示子培

移居數數太無端愛此庭中翠綠團藤架方春飾月朗鵲

巢經歲避風寒

牘外大白楊樹
上有大鵲巢

一襟幽思閒拋慣十扇明

窗晏起難衡宇初望君不駐只容攜卷樹根攤

一畝荒園故足窺

故居有荒園
納涼最好

不如園裏卽書帷綠苔生

榭宜鋪板汲井當門待插籬借蔭喜分鄰樹美傷根悔把

舊花移落帆黃鶴三年共細菌

或作菌
恐誤

寒匏欠彫頤

爲人題短衣騎馬圖

怪汝胡然作急裝出來事業老兵強習池賓從應無數祗

覺井州有葛疆

用蘇龔韻送子培時子培有弟余有兄有子均在

北方亂中

別淚從來不浪彈此回端覺徹心酸倉皇烽火傳三月辛
苦麻鞵累一官避地依人行已老自厓送子反良難更將
骨肉投豺虎可免磨牙吮血殘

感憤坐庭心見雜草木皆不祥之物作六言五首

袁粲郊野步屨何妥門巷屏居蕭蕭悲風時起今我不愁

何如白馬

少游醉臥其下文長畫裏青青二人抑鬱以死勞生大夢

可醒紫藤

宋陵松柏無地此樹乃種山陰胡爲漢南有此不待雍門
沾襟冬青

看汝垂垂花發無恙不減出家我獨兄弟分散豺虎吮血

磨牙紫荊

淮南小山叢生誰知草木無情牽動長江萬里風聲鶴唳
皆兵桂

辛丑

作貨幣論一卷刊之戲成示蘇堪

生事紛紛怨孔方求田問舍賴伊強歸山何與江神事要
敬錢神一瓣香

出門見隔江山色

郭東郭西樵何有山北山南路未無今歲東風眞著力居
然綠意照江湖

蘇堪書來屢以詩老相稱奉調並志感

往日錢蒙叟論詩睨昔賢八閩推許友一老字松圓來往
如吾子風流易浪傳

彥昇子培每以陳鄭並稱

空憐布衣士頭白未歸

田

贈周彥昇

與君此地過三年一字曾無贈答篇嵇阮形骸殊可略淨
名言說漸無緣移文豈到周居士好句長吟沈下賢

子培贈君

句余最喜誦之

尙有田園春興在

余有躬耕通州之志

上澗下澗事由天

哀漸兒

兒在天津學堂亂作住同學袁宅袁有新婦洋
兵將據焉兒爲說退之兵旋復來開鎗戕兒

冥鴻兩兩將五雛年年翻飛度江湖四雛南來一雛北哀
哉中鏃亡其軀爾雛不爲稻粱謀胡獨北去天一隅蒼頡
烏象世久厭旁行苦記羊皮書孽臣昏妖天下無鬼兵守
關先張弧桃茆巫祝本無驗以車載鬼紛負塗衆人相驚
則皆走有足誰繫長趨趨晦冥白日鬼瞰室况有粲者窺
騎閭爾非道安弓劍徒甯能爲人護孀孤謬思談笑卻羌
胡哀哉性命戕須臾夷狄復讐聞句吳大夫之寢居大夫
閭閻塗炭那忍道不自逃匿翻當車吁嗟舉世鬼畫符成
糜金錢非區區餘皇屢喪長鬣死魯囚猶脫金僕姑爾非

前驅爲執爰爾非與師崎陵徂爾非溝壑擠中途又非汪
錡鄰與俱巖牆從并非正命義形於色吁其愚我非棄兒
以全孤我非初明喪妻孥又非死綏卞都督何用存子胥
與盱我今行將終菰蘆環顧諸雛彌哀呼危邦亂邦動可
死王涯宅有玉川盧

秋夜讀杜工部孟襄陽詩

豺虎冤魂滯北方東南魍魅亦猖狂一家轉徙空皮骨百
折乖張有肺腸豈敢妄爲杜工部祗堪歸作孟襄陽尙疑
疏雨微雲外松月虛窗夢未涼

思歸

買田陽羨願眞違數畝陶江亦未歸海上牧羊公等在

通海

墾牧公司所知多人股者山中種橘老來肥勞生天豈容高枕亂世人尤賤布衣文字尙關憂患事姓名粗記已全非

七月余將出家來鄂渡菴閣學冒雨寒月兩過別

後奉寄

一年一度到林亭真共攤書就綠陰

君有留客便盤圓石坐借書慣就綠陰攤

句草草歸人如過客寥寥舊雨對開襟荒江月黑籃輿滯淺渚潮生短檝臨少待躬耕全性命望衡渡沔是初心

李亦元寄詩一帙屬爲評定中湘君望帝二首爲

最

眇眇愁余有所思玉谿寄託楚人詞湘君目斷靈旗影望帝心傷錦瑟詩已續廣陵妖亂志

君著有牽匪傳信錄

更堪元老夢

華悲誰知亭角陳居士客子光陰少捻髭

追悼壽伯福兄弟

國破猶能乾淨死巢傾甯有顧瞻情屈原夷叔空相况三
百年前黃蘊生

峭陵風雨二年陰豈有神州不陸沈我比喪明痛十倍寢
門無淚爲沾襟

聞歌

謝安絲竹能陶寫子野清歌喚奈何兩種情懷原一樣中
年哀樂併時多

寄丹曾大甥

瀕行送我一長句往復滄江無限情極浦趁潮生又落空

林踏月暗還明山中風物冬逾好客子光陰老更驚種橘
買田吾縱返恐君蜀道記登程

得愛蒼書有寄

達夫五十始作詩詩名岑李相追隨詩成之日宦亦就淮
南改鎮天西陲君詩君宦略相類特貌矜夸齒猶未君自
題小
照云未老倘寄東西南北人知我卜居定何地

題易實甫魂西集戲效其體用魂西二字爲韻

華裾客子過題門几上牛腰束捆存萬里麻屨行在所一
囊古錦樂遊原堂堂國事西臺哭草草交期北夢言欲喚
臨川湯玉茗爲君宛轉記遺魂

體格唐二十六齊更將五十六評題潼關華岳新高掌林

屋匡廬舊赫蹏令僕黑頭方袞袞才人白下尙栖栖樊南
甲乙樊川兩肯讓樊山與漸西

日本河瀬長定尊人六十初度索詩

有子能爲季札游觥觥家學想源流高人合住三神巖
酷如封干戶侯梅蕊先春催把盞樽桑浴日照添籌他年
浮海登堂去潭水應留李白舟

君家業酷

壬寅

鷗鷺一首和太夷野鶴詩

君已盟鷗江水湄我原雁鷺在蘆碕飢中風味鷗能語寒
裏神情鷺最知片片急湍吟杜甫茫茫笠澤去姜夔無端
更有誠齋喻爲太夷作詩敘太夷謂
風格在誠齋白石之閒枉卻東風到此時

臥病旬月子大招飲不能赴實甫枉過亦未能見

用子大韻視二君子

一室圖書掩古芬下帷終日藥香薰看花把酒虛佳約遣

悶論詩有雜文蝴蝶已圍城北隊白鷗久闊舍南羣謂盟鷗樹

風光竟屬程夫子

用周益公句

又對江天慰暮雲

實甫初來住子大處

疾風甚雨臥寥天戶外聞聲枉登

集韻音恐

然縱有四時最佳

月已多一去不回年重簾燕子曠如許三請黃鸝語早傳

待過春寒門可出醅醱開盡筍成鞭

雨一首病中作

吾生不與韓蘇同端無人禍皆天窮每行客路必逢雨有
渡江船偏遇風自疑性情復愛雨誦徧古人雨中語梧桐

疏響生微涼種蕉留荷樂未央西窗夜話臥虛堂人生此
意非尋常浩然躑躅子瞻歎胡復中夜愁淋浪海棠泥汗
燕支盡坐效兒女傷肝腸社公之雨秬霏霏潑火之雨秬
微微疾風甚雨捲地至惟有荆楚此歲時武昌魚白淡如
飯武昌柳青禿無絲臥寒一月不出戶聽汝威福能作爲
故山不雨已累月米價日高田未望子推夷叔可憐人呼
兒買山種薇蕨

答愛蒼次韻

作詩太似古人詩古人見定驚且泣所幸古人已不見柏
下長臥如龍螯子詩定復蘇門客放翁誠齋乃平揖

君來書語

豫章自居於曹鄴小能敵大君何急旬月不見黃叔度厚

可徑寸沈約集刻集隨意無不可不必循例像戴笠昔依
林際春申君君在雲中下蔡邑饒舌作敘踰千言不是豐
干是寒拾自來武昌悵離索岐亭莫詠煙火溼又非潘生
作酒店握算持籌與日習何爲一卷貨殖傳手自編排兼
補葺只思欸乃隨老漁山水緣中歌曉汲

月蝕詩

張籍青盲吾衍眇玉川涕下石遺笑昌黎道德稱大儒劉
向仲舒自同調荆公馭言不足畏羣起訾警護名教旣云
有者不宜有從月告凶日何告朱絲營社乃兒戲布鼓雷
門等齋醮自從漢儒言災異遂啓詩人託謗誚蟾蜍上天
太清閣蝦蟇出地金色越李妃自與章宗坐江總何如吳

質妙吉凶枉問周內史天道焉知鄭裨竈揚鞭長揖月中
人陰喜自負敢僭號夜闌插梁不見斗執豕於牢乃神效
行星世界云有八甯復升恆皆兩曜蝦蟇誰令親烏兔蟻
蝨何緣效鸚鵡我今不畏月離畢只畏離箕揚沙叫羣豕
從伊白躋波六鷁蕩我黃頭懼我詩不數玉川子亦匪陸
渾觀野燒

和蘇堪雙清館詩

老去風懷久不提因君回首暫尋思堂堂百事從耽閣碌
碌雙鬢孰可見準擬閒情編語錄斬新色界曩游絲齋絜
尺素狂言在只算清狂抑算癡

秋早作

平生麋鹿性見緣喜無度攜家走四方所至必種樹流連
生意足喪志聽坐悞此來真四壁無可下鋤處隔牆見高
梧大葉颯軒翥對窗照書案慰藉勞眷顧吟詩黃更妍聞
雨槁欲據誰知涼暄買忽忽復此過牆頭秋色老牆下蟋
蟀語江冷楓丹中酒人會當去落葉積空山待汝沒行屨

大旱苦熱中秋夜同士可登安徽會館西臺

大火云西徂早過白露節如何炎上氣遠邁三伏烈長空
絕纖翳沈澆忽已竭皎月到衣裳乃比秋陽潔將毋西印
度屢告火山裂何人夜半負置此作岬巘將毋大戈壁倒
向蒼穹揭黃砂互萬里點水盡斷絕將毋比馬拉山脈撤
茅蘊將毋壓瀾洋熱流隕四決區區赤壁火死灰那復熬

沈沈寃婦氣遠矣亦已雪試爲阿壁問物理究祥孽徧地
庭如焚狂走魃未綴排龜競襪蠅醜扇瓜魑凡茲蘊隆
象造自蟲蝗螿剪爪禱無靈側身修難說茲臺冠武昌茲
湖環如玦可憐青田田瑣屑變黃篋妙高我不登鳳唼子
弗屑搗來此相對誰遣坐縲綫胡不反郊居連蜷賦雌蜺
勁兒書來言數月避疫入城置書村舍爲白螞蟻

食五大箱皆無完膚者亦一小劫也

篋人積書難登天囊中一年幾餘錢忍飢購書無此事有
錢豈盡歸陳編不知辛勤幾積累始此突兀陳我前水村
疫鬼逼人走皿蟲飛敷相周旋蠹魚被奪與螻蟻飽食豈
亦能神仙兒言糜爛不忍覩如蠅蚋嘬膚無完我書固然

飽毒手汝蟻亦復厭老拳藏書不知有何罪往往活劫遭
顛連區區狼藉僅三篋百不及一方古賢銀杯羽化固可
惜瓦盆盛酒尤堪憐石田已失甑已破庚子家人歸里行
李失一箱中有宋
視韓瓶等將不識字眞耕田

贈馬季立

嶺外談經者吾知馬季良抱遺三傳訂衛道百夫防雪履
穿東郭春衣典草堂詩窮非汝事端爲說詩強

臘盡書懷次山谷還家呈伯氏韻寄伯初家兄

玻璃窗外雪作花玻璃燈前梅如豆擁裘圍坐尙畏寒自
歎年來眞老醜懷歸頻歲不得歸何論花前與雁後作官
可博梁肉肥作客不過蔬筍瘦此中計較最迂拙每向三

公妄叉手同時被舉久節度遠判雲泥敢與友聞名傳命
使之往請見愆期未遭詬鬻身不值五羊皮待詔何心牛
馬走更令教授助文翁指畫山川我何有柴門風雪聞歸
人頗似去官湓浦口賊中辛苦三年來衣袖差強露兩肘
喜看投劾棄手版稍恨衰遲脫羈鈕可能種秫五十畝起
向糟牀自漉酒明歲還家倒酒瓶上下古今誰不朽躬耕
不終甯高風絃歌不悔非陶公葛亮元亮兩渠儂若不節
取安適從浩翁謬欲附知己漢相一言皮相耳

癸卯

高郵舟中補酬河瀨長定贈行作次韻

上書嬾作賈生憂乘興聊同王子猷單舸逡巡辭武漢高

臺迢遞過文游亡秦可信由三戶於越如今是一舟慙愧
東人期望意停橈尙滯白蘋洲

揚州雜詩七首

詩人垂老到揚州禪榻茶煙兩鬢愁猶及花時看芍藥平
山堂下一句留

荳蔻微吟杜牧之紅橋腸斷冶春詞最宜中晚唐人筆此
地來題絕句詩

斜陽紅向小樓過明月三分占最多若道徐凝詩句惡竹
西佳處奈君何

廢池喬木罷吹簫何處波心甘四橋一上平山堂上望山
眞隱隱水迢迢

風亭彷彿半山寺水榭依稀印月潭
認取小金山塢子居然江北是江南

月白風清過露筋梅花嶺上鬱孤墳
人生如此揚州死禪智山光黯暮雲

清江碧鶴最堪憐縞袂玄裳卽羽仙
騎上揚州聲一一問誰十萬借腰纏

海上晤汪穰卿以紙索贈詩

與世鬻牙汪鈍翁文章流派亦堪雄
面存憂色甯關病交徧聞人未療窮
一第不官殊細故半生多難見初衷
五湖三畝皆行遯豈判歸耕與寓公

士可舊號菘畦屬余賦詩

春非人所欣秋菘吾所喜鄂中入秋後下飯賴有此我家
東海頭海錯紛甘美江魚日入饌味淡不如齋菘也配芥
笋三傑峙鼎趾襄陽白最佳和糝宜蝦米吾友漢陰人素
謂肉食鄙故園有此畦自署以爲字我方營歸耕買圃枕
江水閉門非養晦桔槔亦何恥他年倘欲東一過於陵子

答張珍午侍御次韻

玉石俱焚未肯悲一篇良獄記何奇避人騎馬君真獷博
塞亡羊我自知深語有踰茶醞醞百詩定禿筆枝枝螺江
衡宇相望處何日歸來訪釣師

再次韻答冒鶴亭刑部

由來秋士最能悲况汝峻嶒骨格奇
鼻屨請看何物戴撐

犁不道有人知郎中才調詞三影京兆闈房筆一枝豈合
雞蟲些小事渾如霍霍失鷹師

三次韻答曾重伯太守

渭城唱徹總堪悲况汝驚才世所奇兩面又千萬里別二
人早十五年知桓伊遜此笛三弄吾衍報之簫一枝欲識
蓬萊深淺事只宜重問李師師

次韻答周松孫刑部

微官不作豈蹉跎鄒衍談瀛敵孟軻偶論錢神來借箸頗
饒島佛入搜羅吾鄉詩壘崢嶸甚京國車塵莽蕩何周北
張南真可羨只除踏踏竹竿坡

君由庶吉士改
官又將改外

再次韻贈琴南

閩南故人林古度燕市故態猶荆軻大文寫定似柏棧佳
畫投贈過新羅十日數面語未了六年一聚生幾何胸中
千卷致娥媚須髯如竹隨緣坡

慈仁寺訪松同鶴亭

晨游寶泉河路過慈仁寺聞昔之雙松兵火近已被二沈
子培子封久嗟歎躑躅不忍至南皮有一老悼惜至三四冒生

願謂余探訪盍一試入門無寸椽穹碑兩聳夙參天檜柏
榆無恙立厥位念彼雙松者甯獨遭此甚果然至後垣尙
蔭數畝地頗枯偃蓋形半禿夜叉臂老者僅一存二者已
其次上豐而下殺龍身與常異竝看日移晷颯颯風吹袂
出城語同遊喜極以愕貽神物在眼前交臂失良易

子封招同君直鶴亭遊葦灣話別

柳陰如幄待停車小有林亭水一涯宿雨怒添千本葦新
晴爛放四圍花司勳刻意惟傷別元老何心更夢華不是
江東菰蘆客行吟誰到日西斜

次伯兄韻

山邱零落盡顏回華表誰知化鶴來五載關河拚死別極
天兵火助詩才對眠恰聽浪浪雨不飲真成兀兀杯博得
北樓圓月上西風來雁任清哀

又次韻答伯兄

渡海浮江不計回不知還欠幾回來依然風月容舒嘯隨
分煙波著棄才得句如傳黃竹簟追涼勝吸碧筒杯小園

十築煩鄰里爲護他年羊角哀

肖韓次石湖韻紀積翠寺山樓吟集並送余行次

韻兼呈歿庵閣學

故山多吟朋詩力各精到文潛與石林干莫兩相照文潛
獨北去驄馬頭方掉相逢日論詩此樂故不小那知負詩
債南歸愈未了吾宗老斲輪樸屬復工巧聯翩富投贈心
好口欲笑石林亦先施筐篋惜未倒誓將歸三徑飲水門
卻掃時願車馬過茅茨村童噪

次伯兄寫別韻

連牀不兼旬論詩無虛日孔門若用詩誰某當入室詩家
有麟閣勝算誰造膝何期鬼神聽天泣風雨疾哀歌變九

辨騷注待王逸悲哉秋爲氣化入寥天一陶謝逮杜韓何
處辨原質由來憶弟作絕唱若可必勉和隔坡吟跋踵苦
無術

次韻答珍午見寄

長安事如棋詩人歌當哭何堪沾衣淚重灑登臨目羣公
一何賢事事爲臣鵠選驥百羣空取材千山禿嘶聲動牀
側可得幾安宿惟君不量力棟折憂老屋彈劾首權要熱
官思爛熟新從楚客歸約畧談輦轂得詩雙車渠一慰行
謔獨金馬迨新亭兩種一沈陸何心慕迦陵祇可吟獨漉
曷矣沈隱侯勞哉鄭少谷

太息一首送河瀨如侗歸日本

神洲於天下八十分居一我生實不辰坐見陸沈日其東
一帝國自命曰日出近亦新造邦氣體未充實曩者相閩
牆謀國本無術遂來露西亞牟利乘蚌鵲責人以蹊田不
郵奪牛詰嗟我乏謀人貧弱乃無匹萬端待經緯予手据
以拮百廢當具舉欲汲苦短繙豈知韞匱者寶藏固充溢
坐茲金銀氣染指甘如蜜自強在尚武原富在戒逸輸墨
久不作管商殆絕筆不求三年艾何救膏肓疾如君經濟
學雅抱計然七相從日討論要旨迨織悉竊思挽時局財
政宜秩秩硬貨定本位紙幣相輔弼中央集散法制限屈
伸律股券若泉流國事理如櫛求言下徵車謂可陳造膝
吾謀適不用未必止或尼平生慕鴟夷志豈在簪鞞於國

既不施於家甯遑恤茫茫東海水戰血將淳涵主人不執
兵纓冠望同室暉臺謀方殷曹社聞謗諗吾行爲蟲沙相
見未可必別酒慘不歡贈策聊一述

兩湖師範學堂日本教習戶野周二郎招飲索詩
經年學舍育羣英今日登堂酒屢傾萬里琴書雙伉儷一
家師範兩先生夫人亦教育家速成業畢科猶隘普及功收國有
氓可惜同伙方禦侮不將袍澤賦偕行

甲辰

送君直歸蘇州並壽其尊人虛甫先生

相知幾文人仲容與伯嚴重伯復君直一面初未覩編紉
且十年道阻葭以蕪去年逢曾曹強韻時一拈今年此班

荆談藝樂未厭側聞晏小山家法夙所漸索我填詞圖題
君珂雪籤維時我婦病藥煙積重簾屢出肘後方病魔遽
遁潛書扇志奉揚起色照鏡奩周南夢北閒泥君聊滯淹
誰知長沙仄難駐帷與幃羨君供雲煙藏弄頗不廉物果
聚所好麈至鰈與鵝一一與寓目靡日之不詹左右紛羅
列寒具不敢沾言歸書畫船海屋籌正添滄江虹月夜分
野牛女占心隨鶴南飛引觴願慙慙

滕王閣

依舊西山入捲簾堂堂傑構自深嚴四阿重屋千年制卻
遣飛甍壓帽簷

百花洲

祠廟亭臺聚一邱，郡人爭上百花洲。
偶然打槳如排葉，且可采蓮似莫愁。

南昌別乙盦太守

去年訪濶園，今年訪乙盦。老我將息機，趁此行趁趨暮別。
黃鶴樓不見，頭陀龕朝臨。湓浦水九派，未可探大姑望宮。
亭喚渡睡已酣，爽氣接西山。滕閣浮青嵐，下榻南郡齋。藤
架垂毵毵，巨樟青白桐。離立時往參，露臺出其杪。俯見江
影涵，凌虛復超然。夜色碧潭潭，取彼四年事。償以七日談，
費此五夜眠。勝過百紙函，哲理我斷斷。羣學公醺醺，坐我
節目翁。詩骨聳瞿曇，食我五色瓜。詩味與同甘，局棋罷李
遠。去船命劉棖，觀畫撤寒具。說部付白蟬，滄浪四萬錢。壓

杖不可擔連綿一紙書爲覓昇筍籃良會譬如電別意夙
所詣願公述祖德持節來閩南

歸宗寺阻雨兩宿望栗里有懷

參天巨木颯涼颺獨有山門徙倚宜冒雨出遊天所命亂
流竟渡景尤奇瞻衡何處松三徑誓墓歸來墨一池我是
無官有詩者故應延伫起幽思

雨後重過開先觀二瀑布

匡廬山作潯陽派各道澗泉自分界青山有似綠衣人紛
幌翩翩垂縞帶中峰劈成青玉峽見說白龍出其內我觀
是龍還是劍雷煥張華昔所佩延津飛躍去何之還過豐
城良其背尙餘雙鞘化雙峰夾峙香爐峭天外西江詩派

首廬陵自負廬山高爲最臨川南墮與東來雙井雄奇合
兩大流爲章貢匯鄱陽豎作檻泉雙倒挂道園曼碩兩劍
峰以外紛紛等曹鄴我來雨前越雨後一見一否觀者再
定謂銀河落九天炎炎大言供一快彭郎詞與瀑布諧鐵
崖酸齋亦天籟

三峽澗五言四十韻

匡廬山水窟絕勝故在澗諸澗具可觀三峽吾無閒峰迴
路初轉岌巖石兩岸水行亂石閒步步石作難沂澗行數
里水石鬪不斷危橋跨絕壑俯視步欲灘澗深窺井闌澗
窄洞里閉東坡百雷震子由千乘賤來從三峽人謂可三
峽冠

坡詩云險出三峽右子由
記云雖三峽之險不過也

二里至玉淵觀止尤興歎

想其凝結初萬石同一鍛嗣經巨靈擘兩扇乃分判隨憑
五丁鑿奔流遂中串天公喜鑿刻詰屈下巨鏟陡者徒壁
立隋直眾所憚曲者列圍屏摺疊爲數段互者作垣墉百
堵誰樹榦兀者屹砥柱突出截滂泚傾者可走丸裂者未
縫綻所餘鏟下石礮礮墜散漫或梗如門限或架如車棧
或欹如臥佛或坐如羅漢或柄而鈇鋤或腳而書案平面
狀削瓜橢圓割破眠如槽復如檣如寶復如盥亂石類若
此見水卽拒扞况茲澗所會九十九流貫相持奮矛盾相
搏激冰炭以戈舂其喉以杖叩厥脣井徑軌不方大峴兵
可按陣圖魚腹排被髮呂梁亂峭陵風雨辟垓下潰圍竄
日此萬衝撞終古石不爛我今更締觀尙有簪以罕承飲

欬而嚏抵齟耳鼻灌煎湯千百沸脹力欲破罐跳躑雨雹
堅噴薄霜霰散嫩碧瓜瓢鮮雪白乳花粲此澗三十里異
狀實無算瞿塘灑瀕圖縮本滋可玩

至鹿洞書院

路轉峰迴處蒼松各不羣一溪都見底五老尙橫雲海外
多奇字山中只舊聞流芳橋上仁水石本清芬

下匡廬宿南康郡齋視葉至川太守兼寄乙盦太
守

西江兩賢守送我入匡廬放溜催官舫衝泥命筍輿諸峰
雲際禿衆瀑雨餘舒報道山中勝瞿塘恐不如

又下陳蕃榻高齋一坐幽溫經談鹿洞觀水憶龍湫山近

晴還雨城空夏若秋好官對名郡未沫古風流

雨中登石鐘山

湓浦鄱湖會抱城暮天新雨水縱橫嵌空樓觀臨無地崩
石風濤齧有聲百尺岳陽殊氣象一邱北固共崢嶸道山
亭外江如練不見鄉關愴客情

九日武昌曇花林北山登高送文石善餘別文石
屬題明湖秋泛圖因話故人芸敏侍御及伯初家
兄舊遊

少日失逢迎相逢各老成滄溟古詩派北海大書名秋色
圖中老登高別後情鵲華與烏石舊事共崢嶸

送善餘還鎮江時余將去武昌

送別吾無酒臨歧忽有詩連江足風雨四海半瘡痍離合
七年許興亡千古思君治史學有年還山同所願東道尙羈縻

余將赴北京大學堂監督張燮君之招廣雅督部
堅留不聽去且勸作官余辭謝商量累日重違督
部意然於燮君殊負負矣

豈有嶽寄厯落人坐隅立鶴性能馴水鄉頗似孟諸澤久
欲狂歌老此身

一落江湖拾稻梁擬將官裏太倉皇魯連縱黠如黃鶴山
北張羅爾許強

無將六載居停意不及一年東道情此語逼人吾所病可
嗟息壤竟寒盟余在湖北主張督部者六年主端撫部者
一年春閒即欲北去爲端撫部留而止故

有首二
句云云

墜歡甘載補難成
率負嚶鳴念友生
從此長安眞日遠
出門惆悵大江橫

乙巳

題王捍鄭海東訪學圖

國於日出處舊學我自出卅年圖維新歐化及織悉嗟我
乏謀人於野罔求失問官問禮輩近者頗不一王君今學
人等身積著述竭來講和文匪舌而以筆奉檄乃揚颿流
麗看風日彼都富人士五善自秩秩餘事搜善本歸權滿
縹帙回看所來處海水血淳滿新雕契丹文感喟何時畢
我歎愛日光山水美無匹行訪我汪倫

謂東人河瀨長
定家世業酷結

鄰卜衡泌避地得躬耕不學甘無術浮海而居夷太虛本
一室孟軻稱諸馮仲尼數夷逸

題趙承旨杜陵遺像摹本

六經詩居一稱史已其次史亦窮後工憂患罪文字皇天
量殊隘予名奪其利熊魚吾安知飛潛豈同氣當時李郭
儔誰能強易地

避暑往武昌西山半途遇雨二宿靈泉寺歸舟過
赤壁不得上

看梅戴酒春殊好高閣松風夏最宜今日我來坡谷地滿

山秋雨叫黃鸝

山多黃鸝

四山蒼翠澗奔瀧喬木生涼暑自降可笑山靈誇好手使

風擘岸雨連江

山僧偏勸少留連爲致槎頭縮項鱖動我網魚籃蛤嗜野

蔬常住倍蕭然

貫魚未得

寒溪寺廢僧無住九曲亭荒桂不留典午風流如可作桓
公惆悵遠公愁

黃泥坂下水雲深小屋魚舟暗遠林中有東坡眠食地江
山咫尺阻登臨

實甫讀余西山詩先得一句云飽聽寒溪夜雨聲
卽以寄示因催其足成之

飽聽寒溪夜雨聲君曾行處我來行催詩更比催租急莫
例重陽雨滿城

喜乙盦至卽送其別兼訊同叔效乙盦體

先生玉兒眞負圖忽穿直轅兔胄趨飗輪神馬高九尺臣
朔視若駑蹙驢豈知繞日行三匝漢關未揜天未哺吁嗟
土偶欲化石何來桃梗聊嬉娛落機濯足有聚訟新羅膜
目方如如有人百思承明廬有人稍悔下澤車雞癰豕零
烏頭耳百廿五種相驅除近聞長安樂易居出門西向疑
胡盧天驕流落滿江湖吾亦馱舌問三蘇

九日寄乙盦

重陽天氣好誰與作登高故國悽鴻雁荒籬遲蟹螯依人
吾已倦憶弟子無勞亦有欲東意西風首重搔

次韻答伯嚴二首

廬阜東南一太行扶輿元氣久深藏徐陳不作憑誰繼虞
揭而還覺汝強滾滾沉湘流涕盡栖栖江漢鬢毛蒼題襟
贈縞酸寒否待轉風輪竅土囊

東泊亭邊字數行誰知懷袖初收藏聞聲廿載纔今雨把
臂千秋幾古強河嶽殷璠看落落海山表聖說蒼蒼雁聲
悽戾西風裏詩榻離披冷隱囊

文石次伯嚴韻枉贈並疊韻寄輓伯初先兄奉答

二首

聯翩佳什十三行富我年來篋衍藏會合朋簪千里外流
連文酒一秋強博聞多見過歐趙訂墜鉤沈冷雅蒼

余少日治

許鄭之學君
過爲推許

除是銷聲歸賣藥下簾聊復託青囊

八月西風斷雁行，毀車誰與問行藏。
苦吟書客李昌谷，墜淚詩人劉棗強。
故國關河榆塞黑，他年夢想楚山蒼。
交期淡蕩蕭疏迹，嬾共侏儒飽一囊。

與黃小魯兵備同日宴客客同者伯嚴文石實甫
子大重伯理初因移尊小魯山樓且合席焉小魯
卽席有詩次韻

半天樓閣似浮槎，載酒來遊願不賒。
送別登高霑白露，伯嚴別合尊促席借黃花。
羣公冠蓋多三楚，主客共十三人行省車書各一家。
同治後各省有官書局文石近主鄂局今年各省鐵路皆鄉人籌自辦坐中張席二君及伯嚴理初皆籌議鐵路者待看長房真縮地，不妨聚散屢搏沙。

石遺室詩集卷第四

中華書局

侯官陳衍

丙午

魯髯中實招集靈園賞雪夜歸

此山背城郭負雪出樓臺好事黃夫子開尊煖舊醅飄髯
爭皓白琢句照瓊瑰彌望皚皚裏臨江遲客來

王壬秋先生將來

畏歸二首

抵死思歸又畏歸歸鄉事事與心違登高時見纍纍冢悽
絕去家丁令威

癸躡真成一子由老來甯復益朋儔他時間里浮沈去悽
絕扶風馬少游

同道安暨兒登焦山

風日剛流麗江山望眼舒松門行颯爽石磴上盤紆蒼秀
宜長夏孤危浸太虛同來有裙屐偕隱計何如

初出閩門至虎邱

玻璃艇子玻璃水載我金閩門外行新柳畫眉春未透遙
山瞥眼笑相迎嬾希烈士清高躅厭說參軍主簿名

過短簿祠

咫尺吳淞曾久住今年纔到闔閩城

海湧樓臺半已頽清風餘韻滿蒿萊水枯鶴磻聳青壁春
入劍池生綠苔明月一方留想像羣山百態逞奇才莫言
此阜高無幾幾見千人巨石來

三月歸里於敝廬築一小樓正對烏石山樓成將

去詩以志之

起樓看山寬五筵承塵複壁相新鮮烏石半面納窗牖蒼
秀在眼醒朝眠恍如江船泊京口金焦北固山當前船窗
胡牀對坐卧峯巒咫尺開雲煙誰知樓成我將去去過京
口江浮天天門石鐘來次第皆與烏石差隨肩栽舸西上
至鄂渚渚邊大別亦歸然武昌儼屋隔江望可奈山色難
爲妍漢陽厯厯樹何有但見犖确紛如拳豈如鄰霄與薛
老昂藏百丈茲山顛嗟哉樓頭諸兒女尙勿笑我癡流連
與澹庵話別時澹庵亦有出山之意

一鑑方塘月墜西荷風竹露坐淒淒贈言敢謂深潭水惜
別先拚醉爛泥沙柵聯吟容會合禮堂高足忍分攜最憐

草澤狂歌處他日歸來路欲迷

小樓既成樓前雜蒔花木壽若落之以詩兼壽余
初度未有招隱意依韻報之壽若有宅花樹無數

數醉其下

花前痛飲幾回耳忽忽廿年前墜歡百歲平分強半易

余

五十一壽若 一生作事解人難詩成湯比白太傅

壽若自謂詩皆

解 老去欲從黃子安賦就小園歸未得種松待看鬱盤盤
得歸共有羊求徑只惜難連禦寇牆當戶一山疑夏口繞
樓羣木向春陽盤飧近市何愁少斗酒能沽不定藏華屋
堂堂身健在明年二老儻徜徉

題摹本陳圓圓小象原本在雲南西關瓦倉社三

聖庵

淒涼故劍馬逢知黃闖淮城破賊馳

黃事詳包慎伯詩

何似喪師

松杏後更將越國換西施

十亂誰知有婦人淩煙眞合畫眞眞傾城董白陳沅外碌碌雙鬢枉笑嘔

讀漁洋詩話有懷伯嚴

酷憶西江陳伯璣棲棲清瘦不勝衣爭傳格律凌坡谷誰識門庭本柳韋隔歲懷人尊酒冷經秋爲客尺書稀十年不見秦淮水木落白門空雁飛

讀君常送朝鮮劉侍郎詩寄君常

信有人閒張岳州江山寥落助離憂祇今魯國儕郝小自

古騷人本楚囚秋水易傳鴻雁信西風偏滯木蘭舟倚欄
儻向長安望不在夕陽紅盡頭

沈雪廬屬題獲笈所臨第七十七通張遷碑

書家門戶方爭持北碑南帖歧又歧道州雅嗜魯國筆仙
壇坐位皆所師頗疑不寫中興頌亦更無論臧公碑靈飛
小楷異多寶豈厭平淡初無奇前有南園後松禪三益披
草留在茲素薄貞白與懷素謂雙井學其斜欹豈知坡公
效二海姿媚宜若輕蕤之乃云肥瘦各有態花枝輕顫甯
當嗤果然草書醉翁亭饒與黃米爭風姿道州此碑百餘
通想見得力臨池時豈知右軍池水黑亦復不讓於張芝
零陵既有綠天銘智永退筆高檠纍之其所好樂而辟於

所賤惡亦宜之臯陶不坐文部省誰與聽直書文詩渾忘
異量愛同體吁嗟平等觀其誰

學部調作官數月未往澹庵以詩屬君常勸駕疊
韻示二君

由來無蟹有監州名士爲官是所憂看汝逍遙簿領愁
余局促似詩囚老於文學將焚硯畏此簡書思弄舟太卜
爲詢鄭詹尹可容縮項釣槎頭

蘇堪至武昌同登黃鵠磯懷白樓有作次韻

逼人歲事漸崢嶸來聽江流斷岸聲一幅林山收晚景數
家茶肆息勞生更堪輪鍤麟去且看風帆葉葉行喚起
沙鷗話前夢荒龕頽榭幾微醒

後月蝕詩次前月蝕詩韻時天清無雲月餘一鉤

談天厯筭推微眇電流乃謂玉皇笑水成巖變火成巖兩

丸轉轡太常調月輪山上坐高僧法華日轉西方教小兒

數數共未遇歸妹翩翩忽無告鴻溝路斷方密奏鸞鏡圓

遲疑再醮少師坐論大師走成王未敢周公誦半邊雜髮

九州愁三郎竹馬池塘越光光世界忽彎彎彷彿然燈照

墨妙遂令壬戌燭潛蛟頓改甲長喧夷竈太常太丞首姜

嫖夜明幽宗疑祝號麒麟作鼓鼙同逢狐兔方悲犬何效

白招拒成汁光紀耀魄寶入考靈雁金鑑云亡自按劍絃

扇入懷似匿鶴去去不活鄂都遊蕩蕩詖開閭闔叫冥輒

待賡明月篇滄江莫貫長虹耀長安日遠片月孤誰向述

翁吟野燒

贈黃陂劉文卿蕭北丞

論事陳同甫龍洲亦快哉黃陂山水秀白屋一時才穎士
蕭生出活人藥籠開晚交增惜別放手悔深杯

丁未

宿王捍鄭黃州官齋次余

鯤家駒

兩生韻示捍

鄭

汎汎鳧鷖老不翔名駒何意見昂昂卅年舊夢留湘水萬
古騷人本楚狂今雨遲來苔及榻大風作怒土爲囊平生
訪戴多乘興笠屐亭邊願一償

海內故人多作郡堂中二老對支筇圖書金石爭經眼沙

鳥風帆快盪胸燕市預愁塵莽莽江神應笑走憧憧光黃
迹跡吾宗在西望岐亭愧繼踪

臨臯亭下幾經過笠屐遲來奈汝何南岸有山皆北苑西
陂無地況東坡清明十度夏畦鬼富貴一生春夢婆莫問
明年在何處鷗邊釣石試摩挲

從黃州訪乙厂提學安慶出觀蔗林相國衡湘畫
冊屬題

曾望衡山渡洞庭廿年前夢阻揚舲却乘千里剡中興展
看數峯江上青孺子百來猶下榻康成一宿罷談經尙書
爾雅今休訟回雁眠龍總杳冥

三月十三日仁先招遊棗花寺是二十五年前同

伯兄蘇堪觀紅杏青松圖卷處卷已亡於庚子之

亂悵然有作

如此風光淡沓天來遊二十五年前沈泉已痛東坡逝變
雅還思少谷賢銷夏槐街行有錄感春花底可無篇余方
上斜街仁先不須惆悵懷圖卷松杏河山足惘然
詩近學韓

送嘯桐兼示蘇堪

不見十年久彌爲當世賢如君忠所事媿我道依然少谷
憑傳語高原又屢遷只餘塵塚裏長夏北窓眠

登碧雲寺白石浮圖將往卧佛寺未果

直上嵯峨窳堵波碧雲松栝滿巖阿分明秋色來西極約
畧青山屈大河豈獨茄花連委鬼能教荆棘卧銅駝驅車

更弔興亡跡疲矣津梁奈汝何

由靈光寺出遊三山庵大悲寺龍王潭香界寺上
寶珠洞復下折至秘魔崖

蒼山多薜蘿間路入山阿池館頽靈塔巖扃鎖秘魔龍潭
深窳窳珠洞聳差峩奧曠聊堪賞臨風感九歌

翠微山第一高峯名虎頭靈光寺廢池在其下夜
坐待月憶竹坡先生

寺後孤峯冠翠微畫師偏喚虎頭癡空山待吐二更月淨
土猶存一畝池螢火荷香深碧裏流泉石竇細鳴時坡公
百宿題詩處桑海茫茫愴寤思

題日本島田彥楨酌宋樓源流攷并購獲本末後

亡弓人得何必楚吾道東去原大公何庸沾沾矜得餅有
如無力欺老翁夏父不足盱有餘逼人幾欲動火攻神州
茲事幾厄運豈獨一炬嗟湘東連艦宗器一朝盡窺江胡
馬常倥傯比來筏材足浮海陽襄聯翩辭警宗國家揆文
本有道萬流並育宜沖融圖新舍舊醉歐化國粹棄擲委
蒿蓬戴盧黃顧出異域瞿楊丁陸來胸中緘滕肩鏞東高
閣與木乃伊將毋同須知殺汝璧焉往難恃窮袴兼守宮
由來負乘非所據致寇不關無高墉沼吳植篁快報復長
星杯酒偏從容物歸識寶惡棄地楚材奔晉方匆匆

贊虞侍郎邀遊積水潭過城北諸寺尋法梧門詩

龕不得晚飲十刹海酒樓月午始散尙約盤山之

遊

兩度停車積水潭
臨流聊欲洗朝驂
繞潭羣石平如砥
拂水清風快自南
荷葉到門迷酒望
柳陰匝地杳詩龕
侍郎最有登臨興
便欲田盤著屐探

子久出示木庵先生詩墨索題適其尊人贊虞侍郎由樞廷出撫返感書十七韻

自我喪伯兄茹痛遂終古
三年積千哀欲寫無一語
鈔詩六百首雕本亦何取
悽迷覓陳跡咀味帶酸楚
謁來遊京華晨星餘三五
嚴君我兄事伯也尤肺腑
軍國勞平章退食必亭午
感時與念逝對酒慘不舉
方謂林葉黃拄笏爽眉宇
誰知茶陵去臺山亦繼武
剛柔稍水火際會翻雲雨

汾陽不遲留匡州空修阻君也日趨庭壯悔熟門戶行將
出國門舊墨示片羽存沒兼聚散印爪類如許觸我還山
吟聽雨嗟無所吹臺如可遊暫以慰癡蹕

婦病甚亟

婦病支離已十秋今秋此病直彌留堪輿錯怨斜街住
沈
人謂所居不利日者都歸厄運仇子平家謂木運過王自是衛生常不講那
能蠲忿更忘憂堂堂大夢終須覺少欲遷延再罷休

和仁先見慰之作

刀劍癩瘡肉欲齧世閒舍我孰泥犁法如可喜妻何戀春
縱非秋月亦悽朱髓青肝歸紉絕冰床雪被試摩醯此寒
更比堯年甚漫向旁人作浪啼

送同叔五兄提學廣東

今年君將守平陽我方携家遊帝鄉徂秋涉冬未忍別斜
街花事來堂堂改官提學仍懶去累月爛醉千萬觴小兒
世上競疾走似汝延佇甯癡狂罡風捲我入噩夢此恨填
海天茫茫醉裙文酒亦再厲忍痛在腹車迴腸君家兄弟
若夙契忽忽歡好十年強頌頌晝夜百不厭斷斷沫泗難
具詳悲愉怒喜盡數見阿兄微婉君微剛比鄰祭竈老有
約寒食且住天一方西行至晉南適粵宦海轉柁隨風檣
蘇龕辭官趨建康鮮盦一官醒黃梁節菴棄官如脫屣一
擊不中跳子房彌天四海得四沈君兄弟及拔幟一隊看
分揚應憐窮民首無告北海養老需姬昌兩人愛蒼

蕭閒堂詩三百韻

主人姓蕭氏諱道管侯官人晚取真誥說顏所居曰蕭閒堂今秋言歸道山云丁未除夕陳衍記

元鳥胎商後公羊搏宋時大心提旅入仲足等官卑昴宿
精英降馨薌譜喋垂祖姑同叔子皇妣徹侯禕江表鍾王
氣燕雲割地祇帝家聯建業后族擅奚离梵宇南朝字煉
臺北塞基從茲長倩系不辨筑陽支東冶梅根地開元蘭

若碑

里居開元寺前寺額爲歐陽率更書

獼猴留手筆矍相近門楣

宅旁爲都司署

射圃宅認青楊巷居鄰石砮司鷗波傳二姊翡翠出羣娛天
策交鶉火皇穹紀兔兒

生於乙卯年十月

寤言宗伯職占夢楚人

姝朶殿紅雲座瑤階白道辭會將仙更骨重作武皇齒記

取人天變看將特地奇不梳前進士無垢舊闌黎蘭臭非
關麝蓮花若印屨華鬢七厘市行坐四威儀纓絡無鍼線
茹蘆絕縞綦伊川配食例宗室結婚規傳世丁壬匹當塗
癸甲期夢同生若牽兆應獲悲羸臺觀香姜麗江潭濯錦
猗月華界弦望星彩煥參觜十二日寅時生少小門穿限艱難柯
執罍琰杯經屢卜玉鏡敢輕齎闔閣來劉柳家林坐濟尼
側聞誇趙李誰與配商邴月旦三生定風規十載推薦蘿
拳宛轉荇菜芼參差茂苑臺高峻蓬山路險巖社經懸闕
待人聽隔水咨斜道催迎渭中唐緩適瀉幾番風信到前
度蕊珠思十九桐棲鳳初三月映媚扇從加景却店已定
婚覩修竹亭亭倚黃花淡淡姿評書蘇氏賦品畫郭家熙

金縷衣甯惜紅羅帳正施有人釵朶數小吏削慈詩不沈
調羹手全拋沃盥匣姑恩歌一曲爾相迎雙綵未織黃當
戶常疏黛染疑秘書披漢魏嘉話愛唐隋在手崇文目臨
池景武椎說鈴排箇箇藝苑討孜孜燒笋香簞谷餐英艷
菊籬白蓮瓶插膽黃竹簟鋪蘄昔昔華胥斷深深印度窺
每嘲沒骨畫一笑露筋祠紫電銅留影紅粧枕屈肢間情
數螢火細語胃蛛絲竹篠曾騎馬芄蘭共佩鱗恁期憐母
日撲朔替爺雌小戶疲中酒加餐喜右鱸分甘妃子荔持
贈謝娘梔畫舫湖亭宿籃輿磴道陝水晶探縹緲石鼓上
屣屣喝水聞鐘定看雲擁被懷阮稽交爾許張角怨伊誰
東野車雙轂西街屋數移石兄堪拜米欄子恰成伊書案

雙雙雀行窩一一鵑

前後產入男二女

榻防雞犬鬧鄰隔鵝鵝比

插架侯封鄰然脂塢似郿頗耽五雜俎不善十香詞

罕作詩

鏡檻窺鸚鵡房權鎖鸚鵡紅裙來醋醋金線舞傲傲聯句

莎爲柵撈萍竹作簞拒霜拳兩手和雪曠雙額漱澀看西

子崎嶇上武夷河魚沈尺素山鷓促金羈傳記稽今種形

聲辨老落

時余爲說文段注補訂漁洋感舊集補傳

偶披樊榭本欲補竹汀遺

韓元詩紀事

文獻搜蒙古歌行及月氏女真黃代謝天水碧漣

湔參考兼三史鈔胥借百鷓遺編增秀野叢話擬胡仔助

我長頭臂勞君右手朕况違青主戒欲作采薇菱

小產第四子崩

濕累月累熱不退

血室形垂帕丹溪說啟鏗漏天巖滴水騎月雨

爲隕枉上飛龍店難尋扁鵲醫何方求永壽無術與延禧

默禱潛心應荒唐說夢癡崑山希有翼洞府易遷尸迦葉

生生願阿難念念祇河西人不睡濟北侍真羸靈藥空王

母滂沱過少姨萇宏將化碧杜宇欲嘯鳩未肯分營室應

從好畢箕縷教長命續衣爲放生緇病時發願放五萬生携手疑元

載浮家豈范蠡癸未同入都書因失魴鱖歌總共駒驪食息孫

陀利逍遙報德維看花常結伴御李若爲廝直北三千路

城南尺五陴菰蘆圍似港臺榭出名謠宰堵天甯寺灣環

十剎陂憫忠唐帝碣文節宋臣棗松杏圖曾見丁香閣在

茲落紅深似海老栝綠成帷潞水歌雙櫂長安話一葵布

帆無恙去中道欲鯨騎余過上海落水幾死逆旅剛棖觸咨齋忽涕

洩返魂兼落魄淚眼尙凝眇沿海窺胡馬鄉關飲佛狸法

攻閩避兵西關外
避兵如雁戶盡室傍雞埭墜果兒曹拾

曾魚女手劉彘盤愁躡躡龍具待耕被接浙爲烹茗燭湯

自蒸萁全家同谷鼠遷地建溪湄黯淡灘聲急銷沈劍氣

摘瘧寒膺杵臼方藥失芩苈買棹行無那治任急可知歲

闌成獨往日計苦鞫饑糝地梅盈寸緣庭草不粘山空樵

斧響天晚墨痕駮引吭鷓鴣叫棲枝敗葉碎攬衾難入夢

貰酒那沽郵歸唱瓊瓏去懷哉左右宜紫綸殷勸進翠被

屢委虹壓臂鬆條脫沾牙膩粉姿鴟青春淡色懶隨曉霞

玼有藥逢仙姬無金贖蔡姬猩唇香稻飯魚尾竹竿篩壁

月華如許和風柳不欹樓凌烏石秀

望赤嵌嗟

丙戌余客臺帥劉壯肅幕丁亥雲雨低頭見星
二月君挈家至所居有臺甚高

伯兄奉母居烏石山樓君常往遊臺

長摘手危不眠看倚杵狂醉欲舖醜空釣珊瑚樹誰懷玳
瑁棖周王蹶不到殷武捷難采行矣離弦箭艱哉論竿糜
驢驢持換酒鱸鱸去揚鬢北渚行看斗南山隱聽蘆芷蘭
采沅澧效乃指湘濱遠寄行行字言驚出出謔指揮誰伯
仲童稚盡偏裨豈少爭墩句居然賭墅棋杏殤紅皎皎

喪第

入藤蔓紫纍纍叔寶過江左泰和入洛伊屐裙任描畫

箕

笠看耘耔刀翦吳淞水塵生歇浦涯戴花題有榜頌酒印

何疵

同客上海君取山谷語自書
戴花平安室額並刻一印

入戶江多漲連村屋似

坻幾行飛白鷺三請惱黃鸝蝶夢遶初覺鵝籠羽待玻璃每

扶欄檻藥更種草堂

所居官屋有
木之勝

傳讀范孟博書稱衛

茂漪獻之吟大雅劉晏畫長眉點定欽王儉戈旁補孔幾

茶能強記賭竹作投經咎誰識三騅肉能知貳負屍

君始撰列

女傳疏證

一編中壘傳千古大家追貞節光留羽王梁足峙藁

心形無奈服影響動相隨池水千何事湖山倒好嬉

同遊西湖

琴舟鴛浦曲步履驚峰崎天竺連靈隱蘇堤接淨慈孤山

問梅鶴一舸逐姜夔杯影三潭月裙腰百草麓櫻桃溜鶯

嘴蓮葉戲魚麗朱雀窗歸去銅駝陌罷馳不綠愁藥轉但

覺閣茵墀城未拋弓矢

丁酉戊戌又病崩漏兼病乳

房思閉屢屢烏頭

君自帝素問伯無岐五月行揚子雙行蔭翠旂江空瓜步

樹天遠秣陵鯨赤壁周郎往青山謝朓私武昌懷李白江

夏歎劉琦豈有秋衾夢惟遭夏甌炊抱雲身敢就防露曲

休提

戊戌正月鄂帥招往武昌君四

水厄耽茶葍書滌屏

剛削納涼松臃腫過雨竹淋漓妖亂高千里圍城呂下邳

閒行清照急赴難盜恩懼奉匪難作喪第二子君擊家山浮江海歸買田陶江謀歸隱

館停行李江鄉議輓犁望衡龐老地招隱鹿門岬沙岸宜

栽橘陂塘合種橘枇杷龍眼足橄欖荔枝滋斷港魚蝦市

連畦權程穉書原休北闕山尙去南陲地上錢流未爐中

鼓鑄之全盤曾指畫借箸及毫釐余爲鄂帥籌貨幣事每與君商待了依

劉債翻多薦禰爲過家看宰樹便道樂夫移伯兄自博野告疾歸余由

都歸里相聚一月君在鄂病訛傳已不諱昔誤東坡死今同遐叔疑藁砧山上

在炊曰夢中恹幸免歌蒙楚如聞泣有推舟歸天際急情

怯近鄉趨哀樂芳兼秀悲歡潔與糝三秋如隔意六日不

詹嗤苦并遲投効嘉魚足朶頤肯餐雲母飯還照影娥池

兩鞭翻翻著雙鬟碌碌嬉間情託楚雨評泊寫江離比較
腰如杵商量履似錐土草爭白鳥斗乳接雄獅鹽谷櫻花
色新羅筑紫師啜羹難濕粉晞髮卽流滌野獲官推萬霜
猿室入芝展蕉黃嬾卷進履赤松圯生拽芳心去都繡妙
意教春光原過眼冬愛自淪肌尤物如真有驪黃豈所訾
拋家空棄置捐扇卽崦岫路入南徐熟亭登北固同登
北石頭過睥睨鐵甕繞透迤樓觀耽浮玉江天入雪浚風
廻須擊汰山迴想乘櫟書藏松寥閣齋堂蔬笋卮聽鴈懷
眼睨痊鶴弔襪襪持踵終婚嫁歸里奔波瘁骨皮十雙田
舍計百萬宅鄰貲樓閣三層築梅桃滿院於所居築一
樓前添種花木井梧風落落階柳日朧朧欹枕山排列褰帷樹敵

虧同牀無各夢小住又將離春雨他時聽東風昨夜吹羊

求行却掃禽向莫躑躅不道冰凝唾如看渭膩脂

丙午五月復至

鄂八月忽嘔血數盈十一月復嘔雖醫愈病已深矣

肝疑誓客嘔心似樂工剝痛我

腸如搗傷君骨強措不眠梧據槁每服桂兼芩屏任紅猩

褪裙都簇蝶襖不隨尼行練亦著道家純春夢婆終醒秋

風客欲痿已寒花萼被那更柳楊枝北去權蟻虱南歸緩

鸞鶻直轅穿隧阨神馬動尻脍

今年三月由鐵道入都

繡壤桃梨遍

黃流竹箭漸颺馳方許鄭電掣忽泉淇楚漢曾憑軾曹袁

此指麾蘆溝過曉月桑蓋付涼颺小住茄花傍新鄰棗樹

豨先住奶子府沈甥丹

會廡旋移居上斜街槐街城北向椿寺路西歧繞屋扶

疏甚當窗低亞披暫將拋負戴同此卧皇羲位置簾還幙

安排奧與宦故園喚兒女浮海過峒峽葦蕩南河泊澄潭
積水瀟采蓮招白鷺沽酒問青旗豈料重來地長茲一
臆李花開始病桂魄照悽其三月初三病八月十八卒
屢徂蒲騷役輕將藥物治起居微委頓心力足支持
衾被嫌單薄衣裳却綌稀雖消司馬肺仍健沈家脾
佐飯欣螿蟹調羹愛蛤蜊每烹長水鴨能飽富春鱠
梨藕常充啖參苓亦偶資質劑猶會簿說部尙揚
解子婦團圍集家人笑語怡蘋婆哀結果鶯粟強
吹簾瓠子河真決汾陰土就衰釋迦空矢楸歐
九罷蹲踖先死孤桐半難逃削杖莽青肝朱髓盡
蒼腎綠腸糜信有紅羊劫真成別鶴奇香光驚滅
沒涕泗破嚙睨拖帶空泥水瀟留罕唵呖倏如寒
日隱塔若冷泉漸不聽

公無渡

君屢阻
勿入都

空呼某在斯葉黃難轉綠苗稿不生柅縱

欲希爭滌其如履脫蕤春宵官自好古莽國何其寤不肩

衣覆依然足下悲百身人莫贖一錯鑄誰貽齋奠都何益

情文豈有神更魚長耿耿孤雁慘翹翹杜老鬢將臂都官

美且偲尙看婪尾藥怡數殿春藤興盡章臺路歌殘燕市

醜杳然舉黃鵠翩爾狎鷓鴣先跨揚州鶴還乘白下騅六

朝揮去鳥吳苑弔遊麋航海真歸樵山居好酌櫟瑣言編

北夢要術講東菑手版都磨字腰鎌且執祠瞻蒲催叱犢

布穀聽呼離濯足持笻筇濡頭倒接籬陂塘開蛙黽灌木

沸蟾蜍路鬼難余侮江神不女欺送人南浦別免爾北山

移木已十年樹芽成兩處茨微吟和鷓蟀老墨走蛟螭漸

欲成翁媪還遲會老耆此時勤結束便可掩蘂裡造物能
相厄斯人合號畸忽然唱蒿薤至竟死卷蔬雪被冰床互
花朝月夕醺面惟流淚洗膠那斷腸藜東海留螭碣山邱
痛馬箠有聲天必徹需墨血當勞忌日湖州守生年稷下
發趙德甫以八月十八日卒李易安自稱白頭君不賦黃
土我如飴桑驛迷離甚花姑解脫遲蕭閒堂萬古留恨繞
須彌

戊申

贈仁先

昔讀君詩筆嶄然祇愁古鏡罕成篇豈知江海頻年別忽
覩雲霞變態妍興會每從探討出深蒼也要取材堅羌無

利祿荒寒路肯與周旋定是賢

答叔正見過視病之作

畸人丁野鶴能訪老迦陵春去愁如海詩來意似冰斜街
焚尾藥古屋半身藤君看繩床客枯眠卽是僧

病中聞明日春盡作

一世蹉跎盡甯須計一春連旬欹枕病明日別筵新粉黛
皆黃土精華亦軟塵母將垂老淚兒女效沾巾

病起示嘯桐

經年重把袂而我久哀絃井水瀾將竭山花火自然團團
原是好佼佼果何賢

時嘯桐將
爲言官

多謝頻存問維摩病榻前

答楊昫谷

想汝都廳頌繫繁能將詩句慰煩冤問天叵耐深閨閉望
月猶疑竊藥奔老去傷神原可哂病來修道已無門斯文
聊與留陳迹未敢逢人說斷魂

叔正出觀其先撫部公舊扇是木庵先兄所畫
然有作

謝家團扇敬亭雲點筆清疏迴不羣太息斷縑零落盡却
看片羽護持殷黃樓吹笛人千古滄海歸舟句舊聞撫部
時連歲大水去任兄有詩送行云射堂風雨論文日忽
作成連海上聲傳語東山休養望橫流如此要澄清剩
有穎濱歐叔弼相從蕭瑟話斜曛

叔正出千金所購古琴爲彈索詩

不買蛾眉與玉驄千金解橐爲絲桐題詩恐誤箏琶語齒

冷廬陵六一翁

爲文石題寒碧樓主人畫

月高漏永夜沈沈此是青天碧海心
大別桃花沈園柳都來寒碧助孤吟

題所南翁畫蘭卷子爲樊山布政作

淨土茫茫馬一角楊妹題詩管常握
鞵尖久已錯到底天水河山入牛角
鬮餽南面蘭上里薇蕨罷餐頭顱
斲二難台喚鼻亭公攬揆命名嚴南
朔子蘭已死木棉謝幽蘭已摧木波
捉蘭亭入水水仙出蘭室差池鷗波
濁此蘭端台倚雲栽濁世翩翩何數
數騷之苗裔楚之望麥飯冬青幾
唐狂樊山道人樊樓感南望十空水
香邈我有蘭衰菊秀

詩黃土稽山行一覺

上斜街寓廬袁珏生編修云是顧俠君先生舊居

三雅門前昔駐驂而今戒酒住瞿曇芳菲合署棗花寺學
确疑分積水潭竹垞舊聞廢日下草堂印本共江南元詩
大有因緣在留此編排地一龕

余初緝元詩紀事印於江南近復補續方鳩賞重刊

次韻答樊山

笑我以官爲傳舍看君餘事作詩人
謁來京國于喁樂始識廬山面目真
王儉流風編別集謝莊賦月感芳塵
青溪鍾阜相思處交道文章儻有神

題網齋侍講扈從負書圖

千官擇棲尾畢逋麻屨稍稍西南徂
吳君家世承明廬遺

亡能記三篋書帝後常坐第七車職在簪筆今孰及蘇瓌
蘇頌鳳將雛王陽王尊非有殊湖州載書本連艦建康弃
擲無甯居雖有宗器焉于諸惟茲青箱三世儲兼以諫草
富訐謨范硯魏笏且不如亭林載籍運以驢竹垞經史輦
以駑君如長吉背以奴杜林漆書動與俱乘輶旋復來洪
都火速開雕敢後圖傳之萬本播賈胡吁嗟妖亂世所無
倉卒難次誰負趨羽陵蠹書本已孤海外亦有文終徒捆
載不啻寶玉俘王播元載甯足誅胡椒書畫紛載塗

綱齋招集積水潭高廟爲詩鐘之戲晚歸遇雨

陂塘一角舊西涯命侶來遊近日斜地僻能令炎暑減窗
虛恰受午陰加百聯句好無拈韻

詩鐘非詩也相傳創於
閩人隨拈兩字不對者

限分嵌在第幾字爲七言一聯名爲詩而無韻每人任作若干聯糊名易書以評甲乙限若干時刻作成故稱鐘云
幾箇僧閒止種花蘆荻繞門風色晚雨雲推出阿香車

七夕集朱艾青宗丞寓齋復作詩鐘是日酷熱

絕好朱干一草堂不知門外軟塵忙
明花暗柳春無數雪藕浮瓜晝正長
銀漢肯因留別淺金風儻爲送詩涼
他年

待結廬山社消受白蓮花葉香

艾青江西人

送樊山布政之官江甯

樊山爲政如爲詩敏捷變化無不宜
萬首早封渭南伯方岳屹立華山碑
卻辭入水下揚子大邦屏翰江之湄
龍蟠虎踞號南雍長安江左古如棊
夙聞財賦視天府揚一益二足取資錢
流地上在人事極盛而熾今方疲應官聽鼓

且萬計奔走宜稱百職司要令報政最天下建業飲水非
所奇看公才具分十人畫了公事饒爲之一篇謝表已傳
誦蕭曹規畫定指撝旬公從善更響應定復美政兼新詩
會合聯句殊可念酸寒况味公勿嗤

樊山和余驂字韻詩疊韻奉答

申屠屋下好停驂

君寓承壽寺中因樹爲屋額曰申屠

古樹濃陰覆碧巖小

坐清言何媿媿同遊別意共潭潭三家才調偏甌北

君詩自敘

言少喜隨園尤喜甌北而不喜藏園

萬戶侯封比劍南

君詩已刻者近萬首

吟社行如

秋葉散髣髴只好佛同龕

樊山復有贈言再次韻

論交老去半新知思舊山陽感子期正字誰同商杜法昌

黎曾是效樊詩中年錦瑟悲無那滿載瑤華價不貲

君贈續刻

詩數十卷剩欲爲氓受塵去鬢持那子盡相宜

江抗甫招飲江亭索詩

又上江亭醉一巡主人恰是姓江人階前正墜梧桐葉便覺秋光入座新

俳體四首贈芸子

宋恠遊說動秦王宋玉微詞悟楚襄不道天驕識麟鳳卻成九辯感迴腸

屈宋而還沈宋工殿前作賦屢摩空廣平也有梅花詠莫信肝腸鐵石同

二宋才名宋復元落花詩句最銷魂如何修史無椽燭半

臂春寒獨掩門

于庭經說既庭史玉叔才華比玉妍祝汝宋黃州繼武勿
匆年少易華顛

樊山新刻蘇門日記成屬題

入蜀驂鸞攬勝來羌無詩句漫疑猜遼東行部西遊記此

例金元北派開

謂日記中
並載詩詞

明月清風四萬錢儻移鄴杜價無邊沃洲且買人知處何
必巢由始是賢

夏峯學派出蘇門康節行窩處處存更有閨中詩弟子不

妨老去作隨園

以上二首皆
日記中事

遺山曾上湧金亭鸞鳳餘音彷彿聽突兀太行元氣句定

應蔓草付飄零

記中有讀碑搨碑諸詩而不詳遺山湧金亭詩刻

樊山將行再作廿八字送之並示伯嚴

大江南北幾詩人督部三藩兩部民

謂匄齋督部子培愛蒼及君三布政夢華

伯嚴部民也

傳語部民陳吏部郵筒讓汝往來頻

題片帆細雨下瀟湘圖爲鄭叔進作

自古瀟湘地騷人怨別離如何親舍近翻望白雲馳詩就

悽寒雁圖成泣子規他時馬當去棖觸定何其

楚天微雨好別淚奈霑襟欵乃木蘭檣鷓鴣斑竹林雲山

湘水碧煙樹薊門深不是閒渲染春暉一寸心

長沙曾作客負米爲高堂東野吟遊子孤臺上定王離騷

少萱草卻曲幾迷陽二十年來事因君一斷腸

黃次腴侍御節母柳太夫人五十壽詩

顯揚無定槩含章慰代終代終非一端危苦萃厥躬舊歲
識令子有睟覘其容旋持五品官可否爭三公爭之亦誰
聽庶免咎寸衷乃知孤露身拔出溝壑中母也兼怙恃無
告民真窮何名爲姬昌就養給金鍾十年拾遺秉膏火出
女紅以茲風微和報彼霜雪豐他人所習見苦節慶遭逢
何以壽慈母吾道慎汗隆

爲袁珏生題潘蓮巢焦山圖

焦山樓觀魯靈光絕憶携家水一方雅欲煩君臨別本澄
江顏色寫衣裳

戲用上下平韻作論詩絕句三十首

止論本朝人
及見者不論

摘豔薰香響珮環不知雙鬢已全斑
水天閒話天家事猶向銀燈擁髻鬟

圓圓曲是杜秋曲讚佛清涼長恨歌
忍死偷生到頭白說他天寶效宮娥

眞箇銷魂王阮亭治春絕句最芳馨
華嚴彈指何人見聲調鏗然自可聽

于鱗清秀排調甚愛好貪多果孰佳
解作永嘉諸絕句何妨鴛水寫風懷

嶺南依樣仿江南獨漉騷餘鼎足三
敵得天山髯邊雪離憂古色滿江潭

賈池二妙皆千古牢落新安兩布衣
流水青山才子語何

如瓜步樹微微

巖南橫槩三才子不盡蒼涼變徵音彷彿潘高寒食句筭
輿日日命秋陰

秦淮舊日瓢兒菜悽斷我眉蔣虎臣何似成都跛道士大
江孤艇接殘春

澹心絕唱謝公墩迢遞林翁入白門遺老鍾山圖主客一
時還有杜茶村

太倉江左詩人夥水繪紅橋幾勝流紅豆一雙兩黃葉亭
林學杜獨悲秋

北宋南施久並稱賣船詩史效春陵朔風庭樹驚心語江
到黃州恐未能

鈍吟才氣未無雙，不道能教健者降。只恐西陂逢大可，定爭鵝鴨向春江。

談龍修怨太無端，馬逸胡然欲止難。試數山薑到荻谷，百年寥廓幾詩壇。

太華西歸高臥後，堯峯日上甲辰長。餘題詩莫詫王官谷，猶有馮欲近獵間。

湖山描寫信論癡，未合卷施下貶詞。吟到幽人先鳥起，禪房花木是吾師。

好山青似佛頭濃，詩社南屏起晚鐘。賈島林逋留派別，白蓮世界臥金農。

稗石齋頭二千首，頗從詰屈見縱橫。竭來樊榭遭啗點，敬

禮遺文果定評

香樹歸愚兩大老來殷企晉七名家松陵選本唐臨帖蒲
褐談詩翦綵花

拜揖如何判兩賢梅村初白有薪傳蔣袁共拔新城幟山
水爲連文字緣

竹君面目似昌黎幾許詩人困紀批未必石洲宗記室鈔
書莫漫誚覃溪

一編吾炙最甌香雁水秋江復荔鄉三百年來消歇甚二
分明月唱王郎

寥落西江詩派圖伯璣國雅到香蘇蘊山未繼鉛山老蘭
雪蓮裳自並驅

勉行索句幾推敲惜抱安吳穠欲抓獨有侍郎遺集在別傳詩法與經巢

數到長離閣上來露光花影亦驚才綺懷靡靡觀潮壯不及衣裳未剪裁

天涯二客號滇黔蒼雪南來妙諦拈子尹花前偏反醉邵亭木部說文籤

寶雞題壁一詩豪楓落吳江張問陶賸有兩村詩話在芷塘瘦句落三刀

不出其鄉黎二樵江山文藻太蕭寥芷灣近體能宗杜傳唱琴臺箸未超

沅湘耆舊肯同同猿叟默深歐礪東別有魯連黃鶴子湘

鄉文字總滂翁

浙派時時起異軍定盦爭詭定香薰柘坡平淡丁辛脆寂
冥姓名無復云

太初詩味別酸鹹比興詩箋發蘊緘莫例一龕供王孟貌
爲淡遠法時帆

書初學集後

莫道無題效義山漫將野史託遺山展禽阮籍誰能保楊
宛王微若是班

思兄述舊詩四十六韻

自兄之沒四易寒暑上心舊事一一可數吾父在時居有
後圃果蔬花木靡不種樹木蘭秋菊循陔當戶兄從館歸

課讀覩縷明燈有味瓶花媚嫵涼月轉廊弟妹嬉舞談玄
冥冥說鬼嘆嘆豫章之頽橋木而俯山樓竹徑轉徙旁午
提携適館幡帙抱舉黽勉帖括絡繹韻語長大析爨乃異
環堵兄負米遊弟亦繼武以來聚散指不勝僂京國降神
膠鸞石鼓夜闌秉燭晨星三五西湖搖碧官齋聽雨雲棲
韜光松肪笋脯野王流寓疥疔交瘡鱗魚潮信避兵村塢
海外回帆名園胥宇荔鄉松坪蕉隍竹所楚客將歸堂堂
臯廡池塘春草得句延佇芙蓉環碧彷彿鉅鉢林際星奔
苦塊杖苴鍾山移文謝傅賸墅步尋桓伊臺訪周處携壺
齊山開徑申浦言徂淮潁相望吳楚清流策馬野渡停觴
西頭東屋天地逆旅胡爲垂暮一宰畿輔不比稷契而慕

召杜遂丁妖亂徧地猘兪不合如礪強與支柱雲屯鴉黑
強食獸怒雞翁僅祝百牢曷取不可久留三年豺虎兄歸
我至痞結全吐風浴屢詠堦簾屢譜月卅五日癡創徧撫
暫合復離隔歲仍聚悲哉此聚乃千萬古